



靈官經

風陵文庫
文庫19
F271



靈官經

民國乙丑年閏四月
長沙善書流通處刊

糾察王天君



六月念七日聖誕

王祥徵洛里名冠大唐
 天威宣雷部恩覃萬方
 君像火車熊熊金邱煌煌
 贊開壇闡教德化無疆

序

溯自河洛闡苞符之秘。流沙搜貝葉之文。心傳
 遠紹虞廷。十六字於今為烈。道德留從關尹。五
 千言亘古為昭。可知
 三教羣真。遺經垂訓。靡不得人而授。其美孔彰
 矣。况夫

風陵書屋藏本
 澤田瑞穗

先天主將。靈祖真經。其言凜若冰霜。足以寒萬世奸雄之膽。其威迅如雷電。足以淨兩間妖孽之氛。維道統而正人心。警愚頑而歸良善。夫豈有不得人傳播。終任其散佚於長年累世。古刹殘叢中哉。孰意荆玉含寶。竟發奇光。幽蘭懷馨。必邀真賞。茲有豫章傅生。作初者。服賈熊湘。多

歷年所存心懺悔。思過惡之消除。好善勇為。懍神明於咫尺。一夜忽

靈祖夢授而謂之曰。余有靈章秘本。久藏於斗姆閣中。爾其取之。付手民以公同好。吾神當加眷佑。越翼日。往閣謁道長。詢及有無。獻茶畢。道長於經叢中。果覓得一卷。噫。神人授受。固有良

因丹道機關更多妙悟。謂非傅生之善念所感。歟。今傅生將付剞劂。請序弁諸簡端。聊質言述。其巔末已耳。叙云乎哉。

時在

宣統二年庚戌歲上元後三日

靜妙山人降於崇善堂之南軒

焚香讚

香焚寶鼎^氣炁^葉達玄穹^兮。神人合

一謁^葉瑤宮。隨處顯神通。蘭篆

凌空。萬聖會丹衷。

至心皈命禮^圭

傳忱成達悃天尊三稱

燃燭讚

初燃燭炬巨放大光明靈心不
昧成共澄清塵念不重萌民掃蕩
凡情太上大丹成

至心皈命禮

慈光普照天尊三稱

開卷神咒

太極分高厚 輕清上屬天
人能修正道 身乃作真仙

神遺三千教意

時登數萬年

丹臺開寶笈及

真口與流傳

大聖十方感應天尊

淨口神咒

丹朱口神

吐穢除氛惠分

舌神正倫

通命養神

羅千齒神

卻邪衛真

喉神虎賁奔

氣神引津精

心神丹元

令我通真

思神鍊液

道氣長存

淨心神咒

太上台心

應變無停

驅邪縛魅

保命護身

智慧明淨

心神安甯

三魂永久

魄無喪傾

淨身神咒

靈寶天尊

安慰未身形

弟子魂魄

五臟狀玄冥

青龍白虎

隊仗對帳紛紜

朱雀玄武

侍衛身形

淨金光神咒

天地玄宗 萬炁本根
廣修億劫 證吾神通
三界內外 惟道獨尊
頂有金光 覆映吾身

視之不見 聽之不聞
包羅天地 養育羣生
誦此萬遍 身有光明
三界侍衛 五帝司迎
萬神朝禮 役使雷霆

鬼妖喪膽

精怪亡形

內有霹靂力

雷聲隱鳴

洞慧交徹

五炁騰騰

金光速現

覆護真人

急急如律令

淨天地神咒

天地自然

穢氣氛散

洞中虛玄

晃朗太元

八方威神

使我自然

靈寶符命

普告九天

乾羅塔哪答羅

洞罡太玄岡

斬妖縛邪 殺鬼萬千

中山神咒 元始玉文

持誦一遍 卻鬼延年

按行五嶽 八海知聞

魔王束首 侍衛我軒

凶穢消散 道氣長存

急急如律令

祝香神咒

道由心學 心假香傳

香^雪熱玉爐

心存帝前

真靈下盼

仙^沛旆臨軒

令民關告

逕達九天

所祈所願

咸賜如言

伏以寂^七然不動感而遂通

大音希聲叩之則鳴恭焚

真香虔誠上叩

九天糾察大靈官王天君雷聲

應化天尊

一元無上薩公真君

經筵應感神聖仙佛。
護法壇場一切真宰。

惟冀。

千神降駕。

萬聖臨軒。護持香壇。證明功德。

下民

竭誠敬設齋筵。仗此

信香。普同供奉。

伏望

大慈俯從。丹懇蔭庇。
下民不勝

悚惶感

恩之至。

稽首皈依

無上虛皇至真三寶

至心皈命禮

先天主將一炁神君都天糾察鳩

大靈官。三界無私猛烈將。金睛
朱髮號三五。火車雷公。鳳嘴銀
牙。統百萬皮貔貅神將。飛騰雲霧。
號令雷霆。降雨開晴。驅邪治病。
觀過錯於一十二年。受命

玉帝積功勳於百千萬種誓佐
祖師至剛至勇濟死濟生方方
闡教處處開壇豁落猛帥三五
火車。

大靈官王天君雷聲應化天尊。

至心皈命禮

派流西地蹟顯龍興施財合藥
濟羣生積行累劫修至道受鐵
師之教旨掌玉府之雷書身披
百衲伏魔衣手執五明降鬼扇。

代天宣化。咒棗書符。運風雷於
咫尺之間。剪妖魔於斗罡之下。
道叅太極。位列先天。孤雲野鶴。
任縱橫。野鶴孤雲。常自在。方方
闡教。為萬法之宗師。處處開壇。
作後人之模範。都天宗主。
一元無上。薩公真君。

太上元陽上帝無極天尊說至真妙法火車靈官真經

太上元陽上帝無極天尊說至真妙法火車靈官真經。

爾時

無極天尊在浮黎天中集諸天衆仙無鞅數眾說無上至真

妙法廣演道德玄微宣揚
妙道真經闡發靈文因見
下界眾生俱被六天魔鬼
九醜妖精侵害生靈廣遭
塗炭或被水火盜賊刀兵

或被乾旱虫蝗瘟疫諸般
苦厄種種不一爾諸大眾
序分班次諦聽妙法演說
玄文昔開闢天地之初混
沌難分乾坤未立吾乃化

分清濁肇造乾坤。始判陰陽。兩儀四象。八卦五行。山河社稷。奠定日月星辰。布列安鎮。東南西北。四維八極。生成高低上下。五嶽九

州。立有君臣。以定天下。自伏羲神農軒轅黃帝。食草為藥。編葉為衣。而衣食始別。堯舜稷契禹湯文武。教以人倫。訓之禮義。而教化

靈官經
始興斯世人民性皆淳善。無論或儒或釋或道皆可。希賢希聖希天。本性不迷。本真易返。豈不休歟。不意浮黎眾生。為諸孽障。有輪

迴苦。由上古至中天。由中天至末世。愈推愈下。愈陷愈深。茲爾眾生。不敬三光。有違天理。十惡忤逆。有違天理。不忠不孝。有違天理。

不仁不慈。有違天理。不善
不義。有違天理。毀傷物命。
有違天理。殺害民生。有違
天理。作諸孽障。犯諸神怒。
當於福盡壽終。受無限苦。

爾時

天仙 金仙 神仙

人仙 地仙出班奏曰。下

界眾生。受此苦惱。皆緣不
信因果。不知報應。以致欺

人自欺害人自害。當從如何救度。方能解脫。伏望天尊大慈。宣揚大道。普開利濟。廣設法教。庶使下界眾生。聞知悚惕。是時

天尊法言。汝諸仙眾。聞吾所說。欲得下界眾生。免諸苦惱。必須豁落猛帥。三五火車。靈官臨凡。糾察善惡。彰瘴報應。誅斬妖邪。翦除魔鬼。

方能世界清淨。荆棘不生。
諸大仙眾聞

天尊言。皆大歡喜。咸稽首而奏
曰。願聞此神。修何德行。位
列雷府。有何威力。職居靈

官。伏冀

慈憫。開眾愚昧。

天尊曰。神原先天一炁之主。元
陽離火之精。鳳嘴銀牙。耀
燄萬里。金睛朱髮。光燭三

台以救劫而臨凡。因挽凡
以遇劫為奉

玉帝勅詔布澤行雨。敢將孽龍
治罪。抽筋束腰。以此勇猛。
稍犯天律。因此功德奉祀。

人間時至唐朝薩公。忽遊
神廟。乃以雷火焚祠。神奏
玉帝。靜候綸音。勅賜金鞭。隨公
察過。越一十二年。足踏火
輪。從公累德。猶百千萬種。

真人道貫先天。功參太極。
法顯龍興。派流西地。功行
圓滿。位證都天神。於水中
出現。部領諸副將眾。投師
頂禮。願隨護教。對天立誓。

滴血盟心。永願隨侍護法。
終當輔助。

帝君護國安民。挽凡救劫。旋
奉

玉帝勅旨。封為先天主將。豁落

猛帥三五火車雷公三界
無私猛將職司糾察位鎮
都天若有不敬三光十惡
忤逆不忠不孝不仁不慈
不善不義毀傷物命殺害

民生諸眾遇此神將一時
剿滅是誠赤心赤膽掃除
世界妖氛金甲金身滅絕
宇宙魔氣欲期世道清平
必祈靈官管轄諸大仙眾

聞

天尊言。復稽首而奏曰。如何得
此靈官。臨凡救度。免諸苦
惱。得享清平。消諸孽障。復
返本真。

天尊默運元氣。放百寶祥光。金
童侍側。玉女揚烟。仙使持
符。徑往諸天。宣召諸大仙
眾。共臨法會。旋見諸天神
王。飛天大聖。日月二曜。滿

天星宿。玉府羣真。瑤台列
仙。普皆來集。朝見

天尊。恭侍道前。爾時法筵會中。
先天主將。三五火車靈官。
出班稽首。而請曰。臣為謬

落位。鎮都天。彰瘴報應。糾
察善惡。宣臣何因。召臣何
緣。伏願

聖慈。開臣愚昧。

天尊曰。吾見下界眾生。三途五

苦。八難九災。雖有應得之
罪。應發哀憫之心。勅爾下
方糾察。收攝魔鬼。救度眾
生。引誘開導。勸戒警覺。使
改惡以從善。令懺罪而除

殃。先天主將三五火車靈
官。再拜稽首而請曰。臣沐
天威下界。挽凡請示免劫之法。
請訓救劫之方。於是

天尊重放寶光。復吐紫氣。口詠

靈章宣說寶法。言彼眾生
受輪迴苦。皆是前生不捨
孽垢。連累今生。今生不捨
結習。牽往來生。吾今喚醒。
汝當諦聽。傳佈眾生。改惡

歸仁。先天主將再拜稽首
而受曰。臣沐

皇仁開通愚昧。但恐功淺力薄。
不足以服下方。臣師薩公。
為都天主。願與同臨下方。

翦除魔鬼。普度緣人。

天尊曰。薩公真君。亦數應往。可與巡遊三界。普濟幽冥。真君稽首受命。先天主將欣然宣說經咒曰。

至道妙法經。降垂救萬民。
豁落猛帥主。三五火車神。
先天原一炁。後天離火精。
赤心還赤膽。金甲並金身。
出入三界外。威震九天庭。

奉命布雨澤。猛勇抽龍筋。
因此犯天律。為此積功行。
人間立廟祀。誠祈有感應。
唐時薩公堅。雷火將廟焚。
神奉玉帝命。金鞭手內擎。

監察薩公過。十二年遊巡。
真人功力大。過犯無毫分。
伏思隨護教。滴血立誓盟。
願終輔帝君。護國復安民。
旋奉玉帝旨。位鎮糾察神。

靈官經
巡查世間事。賞罰最分明。
人能循天理。金光護汝身。
人若違天理。金鞭碎汝形。
神遊周天下。呼吸可通靈。
火車如風轉。此時不留停。

靈官經
盡心遵吾教。誠祈自靈應。
請吾護邦國。忠心輔聖明。
請吾挽世道。世界即清平。
請吾平殺伐。干戈不擾境。
請吾散禍亂。立刻去勾陳。

請吾救大旱。乾旱不相侵。
請吾求雨澤。滂沱即淋淋。
請吾散風火。風火即時停。
請吾求晴朗。日月普照臨。
請吾驅虫蝗。虫蝗化為塵。

請吾誅妖孽。斬首滴血刑。
請吾捉邪祟。束縛來見形。
請吾救生產。母子獲安甯。
請吾救疾病。親為降福神。
請吾超宗祖。允代奏上昇。

請吾拔亡苦。罪孽着減輕。
由汝欲請吾。千叫千有靈。
誠心奉吾教。道法永隆興。
壬癸日吾降。持受宜精勤。
淨獻香花果。恭焚旃檀沉。

吾神如在上。鎮定不須驚。
誠心宣吾號。隨處顯威靈。
不誠宣吾號。置之若罔聞。
吾立此咒誓。普救眾生民。
汝若負此誓。金鞭碎汝形。

吾若負此誓。永滅除元神。
吾奉元皇勅。急急如律令。
先天主將三五火車靈官。
說經咒畢。諸大仙眾皆大
歡喜。咸稽首而作讚曰。

先天豁落猛帥將。
三五火車大雷公。
奉命三天誅鬼祟。
降臨下土翦羣兇。
都天糾察無私曲。

彰瘡善惡補化工。
鳳嘴銀牙現幻相。
金睛朱髮露真容。
手執金鞭巡世界。
身披金甲顯神通。

號令雷霆兵百萬。
飛騰雲霧下虛空。
頃刻三天朝上帝。
須臾九地遍巡風。
三界大魔皆降伏。

十方外道悉潛踪。
靈官垂經宣咒誓。
指示三教歸正宗。
不期世間供神像。
但願人民心居中。

眾仙讚達靈官願。
普願下民積善功。
三千八百功行滿。
引領眾生步天宮。
諸大仙眾宣說讚畢。先天

靈官經
主將三五火車靈官稽首
作禮恭侍道前。

天尊復向薩公曰。糾察靈官演
說經咒誓願降垂下土。收
攝羣魔救度眾生。使知改

惡從善。懺罪除殃。為無量
功德。卿主都天。一元無上。
詎得不發一言。不立一願。
同臨下方。降伏諸魔。救度
眾生。無上薩公。稽首受命。

亦欣然說咒誓曰。

西河薩守堅演垂咒誓篇。
一元無上主。正氣秉先天。
唐時方得道。初惟戒守嚴。
十二年一律閱。歷不記年。

由我證玉府。任汝持金鞭。
無罣亦無碍。無倚亦無偏。
不為名韉鎖。不為利慾牽。
逍遙真自在。陰陽任倒顛。
受鐵師教旨。妙手轉坤乾。

道妙神愈妙。功玄法更玄。
龜蛇聽號令。龍虎任盤旋。
積功完八百。累行滿三千。
欽奉玉帝旨。詔令主都天。
神將任揮使。聽令不遲延。

降伏諸魔孽。昭雪累冤愆。
神立此誓願。與民共顛連。
願民從我志。改過積福田。
他日功力滿。同步大羅天。
一元無上薩。公真君。說經

咒畢。諸大仙眾。皆大歡喜。
咸稽首而作讚曰。
都天碧雲大教主。
一元無上薩公神。
演說經篇傳下土。

降垂咒誓救萬民。
積德累功修至道。
達妙通玄悟本真。
蹟著龍興施教化。
派流西地顯異靈。

親受鐵師公教旨。
主掌玉府令雷霆。
因見豁落性大猛。
故將雷火把廟焚。
王帥欽奉玉帝旨。

手執金鞭從遊巡。
一十二年無過犯。
百千萬種積功勳。
鐵面將軍潭底現。
部領副將立誓盟。

願為真君隨護法。

安邦護國輔 聖明。

垂經立下洪誓願。

默化眾生一體仁。

挽回頽風還太古。

功圓行滿步天庭。

諸大仙眾作讚已畢。薩公

真君稽首作禮。恭侍道前。

天尊復諭諸眾曰。薩公王帥所

演經咒。可以傳示下民。虔

誠頂禮。加意諷誦。此經靈
應如響。效驗非常。

所求遂意 所願立成
國有此經 境地清平
家有此經 宅舍光明

日誦此經 保命延齡
夜誦此經 心神安甯
時誦此經 魔孽不侵
默誦此經 金光護身
誦之千遍 身有光榮

誦之萬遍	紫氣上騰
印送千本	家道興隆
印送萬本	福壽康甯
無求不遂	無願不成
普願眾生	信受奉行

無極天尊說經應驗已畢。

駕返玉京。道場眾仙。作禮而
 退稽首皈依。無極大道志
 心禮謝。

無上至真三寶。

收經讚

經不忝禪

經不言仙

流傳下土

啟發後賢

皈心禮謝

虔誠究研

人各恭敬

獲福無邊

偈曰

願以此功德普救於一切

誦經保平安消災沾福澤

太上元陽上帝無極天尊演說

至真妙法火車靈官經終

皇朝通志

皇朝通志
卷之四
四

